

Između sebe i Svega: odrediti za sebe to mjesto, dopustiti sebi to mjesto to je neprestano održavati onu nužnu udaljenost, bitnu i bolnu, koja daje mogućnost jeziku da se postavi kao mjeru tog udaljenja, potvrdi kao mogućnost i kao prostor dodira osjetilnog i intelektualnog, kao jezičak njihova ravno-vjesja, pa time dakle bude jedini jezik za pjesmu; izdajući svoju osnovnu namjeru da saopćava i komunicira, on postaje u sebi sav i konačan, odražen u brojnim mogućnostima svojih preobraženja, nalik k sebi svinetu ogledalu koje u beskonačnost umnožava svoje svjetlosno Ništa što mu je jedini sadržaj dovoljan da se u činu suočenja raširi do tačke nepostojanja. Pjesnik na taj način postaje živi fokus, sabiriste sitnica značenja, u svakom trenutku jednak udaljen od krajnjih granica mogućnosti za kojima poseže, jednak onemogućen, čežnjiv hlepeći ka „kratkovječkoj riječi“ udaljujući svijet od sebe onoliko koliko mu se u bijegu primakao, zauzima Opasno mjesto. Pjesnik je beskonačna šetnja kruga koji se njime samim izdvaja iz neograničenog.

Koliko će se udaljiti
o moj daleki svijete
dok sebe stvorim
da tebi nalik
u ovaj tu kročim.

(Aporija I)

Nakon što je ovako shvatila mogućnosti pjesnika i svijeta koji ga uvjetuje, Marija Peakić-Žaja osjeća neprestanu potrebu za suočavanjem s proteklim, za suočenjem s činom što jednom učinjen, zahtjeva susret s jezikom u kojemu se predeno pohranjuje, ona je neprestano okrenuta „predjelu vraćanja“, otvorena životu kao budućnosti mogućeg, neprestano je zagledana u tačku polaska, u nultu tačku vremena, okrenuta putu na kojemu je svaka stopa sazdana od nepostoećeg, od tek sad prepoznatljivog koje vraćeno natrag u jezik osvetljava svoj „prvi pad.“

Treba se vratiti
lososovim povratkom
krvareći stijene od tebe sazdane
tvoj mrtvi sprud krečnih naslaga
Prepoznati treba na povratku
to odrasio nepomjerje
u korali začeto pri prolasku.
Upseti se treba sjećivom vodopada
sjećen od besmisla
do najtanja i obične
svjetlosne trake u sunčevom snopu
sjećen svojim prvim padom
kojemu si svinut
i užijeblijen uvijek.
(Predjeli povratka)

Ovaj „Lososov povratak“, uspon uz vodopad govori riječito o odvažnosti i moralnoj hrabrosti pjesnika unutar njene samotne pustolovine. Pruža, u stvari, naslućene mogućnosti novog pada „kojemu si svinut“ kao neminovnost, kao način prisustvovanja. Nije to pad iz prvobitne čistoće u grijeh, nije na samozadovoljstvo palog andela, nema taj pad drugih oznaka izvan jezika, čini se to pad u govor, posljednje odmorište „kojemu samo prošlost dolazi ususret“, a on stoji kao garantija nužne distance između pjesnika i Svega, kao biće između egoa i svijeta, nalik tijelu umetnutom među ruke koje su „napustile stvar“.

a treće nema
a treće nema
da počne od početka.
Gašenje ruku)

Iz potrebe da se sadašnje objašnjava i mjeri svakim trenutkom proteklom, da se određuje nepostojećim rada se jedan osjetno prisutan bol koji podignut u jezik postaje bol i ljepota pjesničkog izričaja pa odatle vraćen u život ozaruje i prošlost i sadašnjost u jedinstvenom činu izjednačenja u kojemu postaju prepoznatljivi raznoliki i jedva nazrivi oblici Sebe na koje pjesnik pristaje ili je u oporbi s njima ne mireći se ni s čim

LUKO PALJETAK

krajolik unutrašnjih modrica

— Marija Peakić-Žaja:
„Tako nastaje sunce“
„Mladost“, Zagreb 1969

što bi ga konačno odredilo, pa tako sputalo mogućnost spasonosne daljne pretvorbe koja je opet jezik. Tako pjesništvo Marije Peakić-Žaje postaje pejzaž „unutrašnjih modrica“.

Treptim bolnom igrom
iznutra modrice
tijelo me sputava.

(Granica)

Potraga je to za riječiju „koja me traži sa dalekim voda“, način propuštanja bitka u unutrašnje biće, vodi nas k slici školjke, jednoj od mnogih lirske preobrazbi koje „ja“ u jeziku slika iznalazi da bi se što potpunije iskazalo upravo tamo gdje prestaje jasno značenje pojma a počinju neizbrojivi slojevi neuhvatljivog, nejasnog fleksibilnog smisla; ulazimo tako u čistu metaforu, „u viši oblik značenja koji se nalazi u nerazumljivosti“. (Pedro Salinas).

ona napokon zinu
svojom polomljrenom čeljusti
iz koje izcuri slap
njenog hladnjikavog vodenog daha.
Kad oprase veliki bijeli biser
od njene krvi
rekoše kako je jako čudno
da se školjke same ne otvore
kad ih taj kamen toliko boli.
Ovaj kamen je zla zvijer
on raste od krvi
(Uz smrt jedne školjke)

Sam govor suočen odjednom s vlastitom moći, izbrušen u tom sudaru svladava po sebi otpor tijela („tijelo me sputava“) radajući „zlu zvijer“, veliki bijeli biser. Ova pjesma tako postaje „formula“ pjevanja. Metaforično izražena poetika Marije Žaje. U srcu bisera uvijek postoji bezvrijedan kamenjak nasilno prodro u školjku, čijom se bolnom izlučevinom oplemenjuje, uobičjava do bisera koji zatim uništava školjku jer izaziva žudnju lovca, priziva njegov nož, u sjajnom nizu bogate ogrlice nastavlja svoj put na kome se u nedogled nižu rane. Kad razriješimo metaforičnost ove pjesme vidimo da je ona na svoj način formula lirskog postupka, shvaćanje sudsbine pjesme uopće.

čvrsto stisnuvši
veliki bijeli biser na grudi
u koje on za tren uraste
crveno rubeći
oblik rastuće smrtne rane.
(Uz smrt jedne školjke)

Poniranje u život vodi u susret zrelosti koja prijeti, baca sjenu i izobilje privide života, baca tragičnu jasnoću na stvari od kojih jezik bježi. Upravo zbog toga „uzaludna je zrelost.“ Ovo nije nikakav vapaj za prvotnom nevinošću, za izgubljenom djetinjom slikom svijeta, samo je zahtjev za dručjim iskustvom koje se stiče kroz govor pjesme, za neprestanim istraživanjem mogućeg.

Sve je napokon vidljivo
i do blještavila jasno
tek ja evo neosjetljivom postajem
kao i dragi kamen
lijep i zao u život mesu zemlje.

(Kažnjena u snu)

Bijeg od zrelosti vodi u san u kojemu sve jedno nema spokoja. Nije to san u kojemu se sniva „to je san sinteza, „san o nemogućem susretu“, san kao prostor u koji se pjesnik pokušava smjestiti ne izjednačujući se ni sa snom niti sa stvarima izvan njega, u neprestanom mimoalaženju s trenucima za koje tek kasnije, mireći ih drugim isto toliko mimoalažnim trenucima spoznaje da su bili pravi, pa tako izgubljeno, nepostojeće dobiva vrijednost jedinog.

Između sna i nas
isvuše su velika potonuća
i nema onoga koji se odrekao izgubljenog
da počne od danas.

To je povratak vremena za kojim žudi ljudsko iskustvo suočeno sa iskustvom smrti. Slijede pitanja potaknuta spasonosnom sumnjom, pitanja koja se ne boje vlastitog straha, koja su način spoznanja.

Dostaje li vremena za prisjećanje
dostaje li snage za istovetan poraz
(Aporija VI)

Otkuda taj strah
i nečist
koje i nesvjesna zazirem
zavarana uz zbogove.

(Aporija V)

Bol u ovoj knjizi proizilazi iz sudara sa stvarima za kojima lirska senzibilitet poseže mijenjajući ih, izobiljevajući, apsorbirajući ih u vlastitom gladu koja nije niukoliko samo glad žene. Rekao bih prije da je to, (a to je ono najznačajnije što ovoj pjesnikinju čini modernom) glad i ljubopitljivost jezika. Ima u tom bolu nešto sladostrasno i lijepo jer vodi „u jednu oplodnjivu“ koja se izdiže i nad samo značenje tijela.

Postoji uza sve to u ovoj knjizi konstantno i promišljeno nepovjerenje u jezik.

Pa i ovo što sada govorim
i sve što sjemenom stvaram
besplodno gine
golim i beskrajnim tjemenom
i zaborav je iz kojega
oduvijek izlazim.

(Metamorfoza)

To nepovjerenje pjesnikinju upućuje u potragu za sakrivenim i nedokučenim mogućnostima govora koje se naziru negdje između Sebe i Svega kao živa draž, kao sirenin pjev velike pustolovne a jedine i spasonosne riječi koja je sve, koja dijeli samoču sa svojim pjesnikom koji zaziva i spašava iz pragla vremena.

Služiti zamišljenom putovanju jedino je
što mi preostaje:

zatvorivši oči ušćuvati hrabrost
stalnog zazivanja.

(Aporija III)

Tako nastaje sunce metafore.

Neka mi se na kraju ovih premišljanja povodom knjige Marije Peakić-Žaje dopusti jedna prispoloba: duh zaronjen u jezik istinsne onoliko značenja kolika mu je vlastita zapremina.